

宋

會

要

宋會要 鄉兵

義勇保甲 仁宗慶歷二年二月簡河北路強壯勁  
勇者刺手背為義勇指揮 三月詔簡河東弓手有武  
勇者不刺面為義勇指揮陝西弓手為保捷指揮 四  
月詔河北教閱義勇指揮令番休于家具墮游不業農  
者聽其家長告官重行科責 閏九月詔河北路義勇  
鄉兵死而其家有丁壯者令逐處選填之 六年三月  
十一日資政殿大學士程琳自知大名府還言河北義  
勇人員軍士乞今後每年入冬只令教閱一月即便放  
散從之六月知并州鄭戩言請每歲于九月農隙教閱  
義勇從之 嘉祐四年十一月二十二日大名府路安

撫使李昭亮言河北州軍見開義勇乞以來年為始三年內並令補足其彊壯緣元不係教閱欲候義勇足日亦令補復從之仍仰河北都轉運司逐路安撫司令轄下州軍于每年勾集義勇教閱時具舊管及補填見闕人數以聞 六年十月十七日河南轉運司言嘉祐六年滄州奏請以殘疾之人不妨農作遂令將一目盲足無大母指及充瘡無髮之人並不免義勇身丁續降內却言六十以上及殘卑丁之人令本戶下揀選少壯無病患人對替庚如本戶委無人丁許于本鄉管內決射對替即法意違替乞賜申明詔依滄州元奏施行 英宗治平元年四月詔以河北州縣官吏補義勇不足令轉

運司劾治之都轉運使趙抃言初受詔官更多以罷散  
今多新至若皆治則新至者被罪衆請以歲盡為限不  
足乃劾詔許之其它州軍令漸補之 三年八月二十  
八日知涇州劉渙言陝西自夏雨不雨大失秋望將及  
十一月初起教義勇正在饑寒之際乞權住今年拘集  
上教樞密院檢會秦隴等州軍義勇見別議優假次詔  
緣邊秦隴儀渭涇原邠寧環慶鄜延一十二州為災傷  
今只于逐縣教閱每人日持支口食二升半餘州如係  
災傷准例施行 十月二十五日樞密院言陝西新刺  
義勇內秦隴等一十二州民俗尚武可以備邊如遇緩  
急勾抽防托時乞依環慶州保毅例日支口食米二升

慶曆二年一行  
聖文刊

各當采錢三十文人員下馬亦支草糧放散日往從之  
慶曆二年簡河北強壯勁勇者刺手背為義勇指揮  
治平元年又于陝西四路鄉兵中選義勇刺手如河北  
之法熙寧三年團籍開封府畿縣保甲止警捕賊盜故  
前會要保甲義勇分為二門而河東陝西弓手于義勇  
門附載其後以畿甸之法推之五路至元豐四年遂以  
五路義勇悉改為保甲總又推行保甲于諸路于是前  
會要保甲門內亦多雜以義勇事迹二者之法既同則  
熙寧以後當併為一門 神宗熙寧元年五月二十五  
日樞密使呂公弼言請以河北義勇每指揮使少壯人  
材事藝者一百人為上等手背添刺上等二字量免戶

下支移折變別團聚一處合陣子教閱依日限放散並  
給口食逐州甲仗庫支搭逐人衣甲器械別庫題號姓  
名排場候教閱勾赴庫披帶已及百人更有武藝出眾  
者亦籍定姓名候有闕依次補填從之 同日樞密院  
言義勇人員長行內有膽勇心力者並令本州籍為一  
等用備非時捉殺羣黨賊徒候有功效當議量材優與  
并呈試三等事藝內上等許諸色人自陳中下等許義  
勇乞試從之 二年正月陝西轉運提點刑獄司言諸  
州軍所管義勇乞不以月分為限每年冬至前約元條  
日限起教至節前三五日放散所貴不妨農事免值苦  
寒詔今後每年候教閱滿一月約冬至節前十日放散

二月詔自來河北路諸州軍義勇每年輪番上州教閱指揮多處十餘年方遍已令每州輪添上州教閱陝西河東路各係每年輪番並須經隔年歲未遍令陝西環慶秦延渭邠隴廊儀涇原寧一十二州別行指揮外其餘州軍依河北重別分作番次每年輪一番上州教閱滿一月日放散仍自今年起教月日為始如遇災傷雖合權罷亦須奏取朝旨八月詔河北陝西河東都轉運司令不當輪番上州義勇亦于本縣教閱一月日放散九月七日司空兼侍中韓琦言河北州軍義勇自災傷後來教閱久廢今夏秋田苗有望乞令依舊各自置弓弩于縣令廳側近置庫架閣準備教閱從之 三

年九月十九日秦鳳路經畧安撫司言保毅人數不曾  
揀刺充義勇無由破得元額緣其子孫轉易田土分烟  
析生各于名下承認每過差使于祖名上勾抽年歲深  
遠者少有正身乞將見管人數勒令分析見承祖名人  
丁即揀充正身其餘典賣分居並為助戶無人即隨田  
土所轉揀充仍揀人材充料窠並刺手背近以轉運副  
使薛向乞揀刺義勇重行點集置簿籍定姓名人數每  
事故畫時銷鑒或別立正名代當仍常時點集拘管詔  
除乞令陝西逐路州軍見行買得保毅田土承認保毅  
軍者已于丁數等第內揀刺充義勇與充承認若係本  
戶內承正充者亦等第更刺丁數充義義勇餘並從之



九月二十六日樞密院言陝西初揀義勇每家三丁  
揀一丁六丁揀二丁九丁揀三丁以上數多亦只揀三  
丁詔環慶路近有陣亡義勇其本戶內如尚有餘丁合  
添刺義勇者與免之所有見闕人數于別戶內有人丁  
者刺填 十一月上宣諭曰陝西義勇是一好事聞教  
聞未有賞罰宜令立格以勸沮及約束不得給宅役  
五日判延州郭建言陝西起發義勇赴沿邊戡守今後  
並令自贖一月糗糧折本戶稅賦若不能自備乞就所  
發州軍預請口食一月者亦聽從之 十二日陝西安  
撫便司言今將義勇分為七路鄜延丹坊為一路鄜寧  
環慶一路涇原儀渭為一路秦隴為一路陝解同河中

府為一路階成鳳州鳳翔為一路乾曜華永興軍為一路  
逐年將一州之數分為四番沿邊四路十四州每年  
秋冬各用一番屯戍近裏三路十三州軍即令依此立  
定番次未得逐年差發遇本處闕少正兵即得勾抽或  
冊住次邊守戍從之當秋李首自八月一日當冬李者  
自十月下旬必預滿三箇月日放  
回周而復始仍將李分歲換差發時以西賊作過另在  
春秋當冬李者改作春李自正月十五日至三月終放  
同三年十二月九日中書門下言司農寺定到畿縣保  
甲條制凡十家為一保選主戶有心力者一人為保長  
五十家為一大保選主戶最有心力及物力最高者一  
人為大保長十大保為一都保選主戶最有行止心力  
材勇為眾所伏及物力最高者二人為都副保正凡選

一家兩丁以上通主客為之謂之保丁但二丁以上皆充串丁老幼病患女戶等不以多少並令就近附保兩丁以上更有餘人男力少壯者並令附保內材勇為衆所伏及物力最高者充逐保保丁除禁兵器不得置外其餘弓箭並許從便自置習學武藝每一大保逐夜輪差三人于保分內往來巡警遇有賊盜盡時聲鼓告報大保長以下同保人戶即時前去救應追捕如賊入別保即通相擊鼓應接襲逐每捕提到盜賊除編救已有賞格外如告提到竊盜徒以上每名支賞錢三十杖以上支一千以犯事人家財充如委實貧閭無可追理即取保矜放同保內有犯除強竊盜殺人放火強姦畧人

傳習妖教造畜蠱毒知而不告並依從伍保法科罪其餘事不干己者除依律許諸色人陳告人皆不得論告若知情不知情並不科罪其編敕內隣保合坐罪者並依舊條及居民添並三人以上經三日同保內隣人誰不知情亦科不覺察之罪保甲如有人戶逃移死絕即仰具狀申縣如同保人戶不及五戶即聽併入別保其有外來人戶入保居住者亦使仰申縣收入保甲本保內戶數雖足且令附保收係候及十戶即却令別為一保若一保內有外來行止不明之人須覺察收捕送官逐保各置牌拘管人戶及保丁姓名如有申報本縣文字並令保長輪差保丁賚送仍乞選官先于開封府祥

符縣曉諭人戶躬親團成保甲不得別致擾擾候成次

序以次差官詣逐縣依此施行並從之

近歲以來盜充斥劫掠公行鄉里皆苦之

此清里諸人率力怯弱與賊不敵有捕獲者

即其餘徒黨同惡相濟輒行讐報肆極慘毒不可勝言

因詰其所以盜起之由皆言自覺鄉里極慘毒各以逐近

國為保甲當時盜起之由皆言自覺鄉里極慘毒各以逐近

月浸久此法廢弛司指揮專制保甲察姦偽止絕盜竊

簡列無經久廢弛司指揮專制保甲察姦偽止絕盜竊

結党乘間伺隙聚眾為非民患是創制保甲察姦偽止絕盜竊

欲乞周舊來保甲重行隱括近鄉見保甲察姦偽止絕盜竊

都數除病患老幼丁壯戶別為附保保甲察姦偽止絕盜竊

其領便相鄰兩丁以上自近及遠結為大保小保保甲察姦偽止絕盜竊

首領便相鄰兩丁以上自近及遠結為大保小保保甲察姦偽止絕盜竊

以為業謂無所同給此則富者不虞寇剽貧者保甲察姦偽止絕盜竊

親以業謂無所同給此則富者不虞寇剽貧者保甲察姦偽止絕盜竊

賞格賞夜于保分內巡以通吏宿應係諸般刑案次第保甲察姦偽止絕盜竊

例願陛下救其狂愚假以詰盜之植使因職事通行欽

縣得奏差勾當得事選人一兩兩及得選妻薄尉與當  
職官員更兼校舊籍置法編戶之既不獨生聚卒居梓  
鼓不驚若逐行之緇為歲時不為常情租買所廢規僕  
施設推及于天下將損為萬世長安之術生靈幸甚及下  
司農寺詳定至是增損成十三日陝西宣撫使司言延  
條中書進呈待從其請  
慶環三州義勇節級以上係第三等人戶如有田土瘠  
薄無錢買馬者並官給馬一匹倒死不再給勒令自填  
從之 四年正月十三日詔陝西宣撫司指揮河東路  
計度般糧義勇人夫所脩人數過多頗聞騷擾仰約度  
確寔人數準脩應副不得騷擾糧草亦須合用寔數于  
近倉場支給津般仍嚴切約束州縣人吏不得接便騷  
擾 二月二十八日詔陝西河東義勇戍邊並免自負  
乾糧時宣撫使韓絳言判延州郭達近請以義勇赴邊

我妻能自備口食一月與折將來戶下錢賦租額以在  
左右軍預請一月糧者亦聽緣逐人已有官乾糧及隨  
身衣裝物若更負重恐于人行非便上以部延累行之  
頗云公私之便率從達請 三月二日詔河東縣糧車  
義勇強壯免今來本戶夏秋兩稅支移折變仍免一料  
和糴支移逃亡者放罪令復業聽候今將來合勾抽差  
使即補填月日 是日臣僚上言竊聞陝西義勇所置  
弓弩每歲教閱畢悉納逐縣架閣收管積壓經歲偏高  
損折至教閱時支出多有不堪施放若遇緩急深恐誤  
事欲乞將弓弩弦箭給付逐人收執所貴常行修整兼  
農隙之際時得閱習詔以弦并箭給付逐人弓弩仍舊

寄納如有損折即依條修整 四月六日詔罷陝西路

義勇差役 五月四日詔罷陝西諸路提舉義勇官委

本屬州縣依舊分番教閱轉運提點刑獄司遇起發日

提舉初陝西宣撫司請降官八員分起諸路義勇人情以為強援無補魯公亮出鎮永興對曰首以為言

之故罷 八月二日詔今後應係甲人戶因與賊鬥敵被

傷者給錢五千折傷以上給錢二千至為疾者給其家

錢二十千因傷至死者五十千仍免三年科配及移折

變先是開封府界提點司言新籍畿民為保甲未幾已為不願身補盜者願優恤之以為勸故有是命

九月二十四日詔開封府界提點司畿縣保甲官置

旗鼓以備教閱武藝 十月二十九日以權襄邑縣都

監內殿崇班楊復為府界東路巡檢教習諸縣保甲武



藝仍令提點司勘會府界巡檢有不諳會武藝之人即  
舉官差替依併省官員條指射合入差遣 十一月詔  
陝西迺路經畧司遍下迺處今後義勇除備邊禦敵使  
喚外不得擅便勾抽役使如修關池闕寨委無合役人  
夫即依條申轉運經畧等同相度施行訖奏 五年閏  
七月十九日秦鳳路經畧使呂公弼言乞從本司選差  
官從十月初擇諸州土番義勇材武者以為上義勇免  
賞送芻糧之後募養馬者為有馬上義勇并免其本戶  
支移從之後就差本路鈐轄周永清提舉訓練亦從公  
弼請也 九月四日樞密院言河北義勇雖係籍萬數  
不少訪聞其間年老患疾少弱疋忤不堪征役者多緣

向因地震水災流移出外者衆每遇災傷又權罷教閱  
官司既不勾集無由見合去留數欲因今冬教閱委逐  
路安撫司選差兵官計會州縣閱視如委是不堪征役  
並令本縣依條給公憑放免從之 六年九月三日詔  
義勇人員節級名聞須因教閱排連遷補 十二月十  
六日司農寺言看詳排定保甲漏丁條貫自合候編排  
保甲籍簿了方許陳告給賞若有漏丁依條施行其增  
減年狀即與漏丁同從之 七年三月十九日詔農事  
是時秦鳳路勾起義勇人數不少慮有妨田作將來穀  
價翔貴邊糧愈難計置令秦州張詵如從京差撥兵馬  
到本路即相度將義勇先次放散 八年閏四月四日

卷之三十一

詔五路義勇保甲差在京有職事官一員提舉仍各不

限常制奏舉選人或班行一員勾當公事不以時差出

或躬親巡歷按察如封詔沈括魚提舉大名府澄恩州

趙州推發遠開封府推官兼管使院公事憲周麟那

相州中書檢正官二嘉州周保定郭保州永寧安肅廣信順

安軍向家儒瀛興雄英州保定郭保州永寧安肅廣信順

濟州德信州權發遣三司度支判官公事楊景略澤州

州乾寧信安永靜軍權知都水監丞公事劉濟洛澤州

威信軍樞密院檢詳官劉奉世太原府忻代州平定軍

張修真石州大山人定免代以權發遣三司判官公

事丁執之五月十七日詔諸路民兵皆有籍惟保甲

江南西路樞手未籍名並依義勇置籍七月二十四

日詔應義勇家人投軍後本戶餘丁數少合免義勇並

許投軍八月十一日夔州路提刑司言見差在渝州

南川縣沿邊防托點州義勇欲乞依差往瀘州夷界防  
托條例支給錢糧鹽等請受從之 十九日詔河東路

義勇保甲雖遇災傷放稅及數依例教閱別給米付其  
家 十月七日詔五路義勇每年赴州教保甲赴縣教  
並自十月至次年正月終義勇不及十指揮保甲不及  
十都者自十一月起發教各據人數分定番次教閱一  
月不得圻破指揮都保其人數少處只作一番兩番不  
須滿所教月分即當年內以上番者上教半月 十七  
日詔永興秦鳳河北東西災傷義勇保甲並依河東路  
不免教閱別支口食依條施行 同日尚書兵部言隴  
成州義勇不多應授西河路關數乞以第四等以上兩

丁并第五等三丁保丁內兼充數從之 十二月三日

詔五路義勇並與保丁輪充及檢察盜賊有違者並致  
于法 同日兵部言河北河東路各分學本路州縣保  
甲赴巡檢司日逐上番檢會今年五月十三日詔旨河  
東各路人戶多少不等巡檢縣尉亦有相去遠數里者  
逐番上至巡檢縣尉廨宇所在人戶以多少數以近及  
遠就近分學上番今來逐司雖將人戶以近及遠分學  
其間多有圻破係分去處日逐上番及河東路依上條  
以近及遠分學番次巡檢縣尉各處無得差那以次附  
近保內人戶亦不妄許自失次本保內保正長都轄亦  
不許妄差占從之 九日詔上番保甲合分番者各三

十人以下依疾患條寄教 九年正月二十八日詔義  
勇保甲逐年教閱日比試所習武藝五路每州以二十  
分為率取一分為五等第一等解發 三月二十八日  
詔府界保甲令提舉司今後每年于十二月內引呈一  
縣仍預先于十一月內具逐縣人數申樞密院取旨點  
定 四月二十五日詔河北西路義勇保甲分三十六  
番隨便近村分于巡檢縣尉下番半月一替歲于農閑  
月并下番人並令所轄巡檢縣尉擇寬廣處聚教五日  
放四路准此 五月六日詔諸保甲每兩大保團為一  
隊其引戰擁隊以大保長充并每一小保各別為一隊  
小保長一人在後仍依隊樣結隊令兵部將隊樣送提

點司下諸路巡檢縣尉司每一都保給一本副都副保  
正令連隊二百一十八本令兵部關牒施行 是日兵  
部言舊條義勇保甲所習事藝以十分為率弓不得過  
二分槍刀共不得過二分餘並習弓弩看詳若五路民  
兵合依府界隊法即所用弓弩槍刀旗號與見行分数  
不同緣分数弓弩見從官司給付詔槍手依舊再習外  
刀牌手令兼習弓弩其弩樣仍頒下五路施行 十三  
日詔上番保甲令兵部分擘定巡檢縣尉司合輪保分  
即不得圻破大保 十五日慶州安撫司勾當公事程  
之元言編排保伍係教閱路分客戶並附在保外本州  
自來多兼并之家至有數百客戶者以此編排不成臣

欲乞將主户下所管客户依法編排就令主户充都副保正等提轄于人情事勢最為順便詔令兵部勘會立法推行二十三日詔府界五路保甲合置都保正副保正並于十保長數外置立總押一都保諸隊仍令附保九月二十二日詔永興秦鳳等路義勇以主户三丁以上充不拘户等十月樞密院言兵部立到五路上番條約已施行外合刪者諸縣尉弓手元額六十人以上留二十五人五十人以上留二十人不滿五十人留十五人餘以保甲填元額人數諸上番各隨巡檢縣尉所在以近及遠籍定番次內保甲不得拆破都保分在兩司上番諸上番以額定人為正番別取三分為貼



番人數雖多不得過三十六番並從之 十一月三日

詔開封府界保甲所養馬不得過五十匹 十二月二

日中書門下言羣牧司勘會自來府界提點司于中牟

縣將上京綱馬內截馬支給保甲欲乞令提刑司先具

保甲合支姓名人數關支給更不截留詔近許府界保

甲養馬二千匹令作二年截留支給仍令提舉司相度

都副保正以下願與不願三年一替利害詳具以聞

熙寧九年府界諸路帳管義勇保甲并民兵七百一十

八萬二千二十八人 不教閱保甲用二年制收餘並保

鄉兵 義勇二十四萬七千五百三十七人 民兵保

甲六百九十三萬四百九十一人 教閱五十六萬八千

二十七人不教閱鄉

村六百二十萬三千三百七十四人  
草鎮市二十三萬  
五百二十八人  
城寨內  
察姦細一十萬二千六百六十

二人  
團六  
開封府界  
保甲七萬三千七百一十

八人  
教閱七萬六千四百七十二人  
不  
京東東路  
保甲

三十四萬六千一百三十三人  
不教閱  
保甲二十八萬三千八百九

市七十九人  
京東西路  
保甲二十八萬三千八百九

十人不教閱  
保甲二十四萬一千六十五人  
不教閱  
京西

南路  
保甲二十四萬一千六十五人  
不教閱  
京西北路  
保甲二十二萬

二千五百五十八人  
草  
京西北路  
保甲二十二萬

六千四百七十人  
不教閱  
保甲二十二萬

十七  
河北東路  
義勇三萬六千二百一十八人

保甲一十二萬五千五百七十七人  
不教閱  
保甲一十二萬五千五百七十七人

六千三百一十三人城寨內察  
河北西路 義勇四

萬五千七百六十六人 保甲一十二萬七千一百四

十人教閱十萬四千四百九十二人不教閱軍鎮市三

九十人 永興軍等路 義勇八萬七千九百七十八人

保甲一十四萬五千七百六十二人教閱一十二萬

不教閱鄉村七千九百三十四人車鎮市五千七百

秦鳳等路 義勇三萬九千九百八十八人 保甲一十

二萬六千四百九十一人教閱六萬三千九百五十八

教閱四萬五千四百一十一人 河東路 義勇三千五百

九十五人 保甲一十三萬五千六百三十八人教閱

一萬五千一百九十六人不教閱鄉村三十八人車鎮

市二千四百四十八人城寨內察義細一萬七千九百

五十六人 淮南東路 保甲三十八萬五千九百七十二

人不教閱 鄉村三十一萬八千四百九十六人 淮南

西路 保甲三十六萬五千三百八十四文不教閱 鄉村

三十四萬九千九百一十人 兩浙路 保甲八十

十萬七百七十人不教閱 鄉村七十九萬六千三百一

百五十 江南東路 保甲五十六萬八千八百一十

三人不教閱 鄉村五十八萬二千六百五十人 江南西路

保甲六十七萬四千八百六人不教閱 鄉村六十五

四十七人 荊湖南路 保甲四十四萬三

千一百六十一人不教閱 鄉村四十三萬五千九百二

十六 荊湖北路 保甲三十四萬四千五十八人不

教閱

鄉村三十三萬八千四百三十八人

隨國河溝利保甲七十一人

草鎮市五千人

在此

福建路

保甲四十八萬七千五百七十一人不教

閱

鄉村四十七萬八千四百一十一人

成都府路

保甲三

十一萬五千五百五十二人不教閱

鄉村三十一萬一千六百

九百三十一人

梓州路

保甲二十一萬九千三百五十五

人不教閱

鄉村二十萬七千二百三十九人

利州路

保甲一十一萬五千三百八十二人不教閱

鄉村一

一千二百六十六人

夔州路

保甲九萬一千一百

七十二人不教閱

鄉村八萬五千八百三十一人

廣

南東路

保甲二十一萬三千七百八十人不教閱

鄉村

一十九萬九千五百九十六人

廣南西路

保甲六

萬九千九百九十四人不教閱

鄉村大萬五千七百一  
人鎮市四千二百九十

元豐元年二月二十四日詔義勇保甲上番所省

諸軍請給唯糧米聽留本色外餘並封樁仍以諸路義

勇保甲隸提點刑獄司開封府界隸提點司 四月二

十五日詔義勇保甲無得應進士舉今日以前已習文

業聽自陳本州試驗若堪取應即給公據落籍別籍本

家一丁 十一月二十八日荆湖南路安撫使謝景溫

言相度轉運司乞以郢州武岡等縣保丁于界上置鋪

堡其已發往關砦等寨弩手並就本縣差填所置鋪堡

望辰州界並在百里內欲許保丁依條置器甲以備保

聚教習詔從之非蠻界百里內不用此法 十二月二

日權判兵部許將言開封府界五路保甲義勇支費止  
有減兵級請受賞給并弓手雇錢等充用乞從本部委  
提點刑獄司取索應減錢糧及郊費支賜折支等通取  
一年寔數立額歲令所屬分四季撥與提點刑獄司除  
義勇保甲所用物外餘並變錢給用歲終有餘即封樁  
從之 二年九月二十七日中書樞密院請河北陝西

義勇保甲皆如諸軍誦教閱法從之

先是內出教閱  
法使人誦之

十月十八日樞密承旨司言會計減罷開封府界巡檢  
縣尉下兵弓手請受雇錢等以給大保長教藝錢從  
之今承旨司立教閱法更支府界坊場錢三萬緡給保  
甲 十一月二十九日詔開封府界教大保長充教頭

其提舉官以昭宣使果州防禦使入內副都知王中正  
東上閤門使榮州刺史狄詒為之以初王晏石議減正兵  
是始置提舉教閱之使後又行于西北三路太祖皇帝  
德唐末五代之亂始為軍制時營厚祿以收才武之士  
宿重兵于京師以清四方不軌之氣番休互遷使不得  
久而生變故百餘年天下無事雖漢唐盛時不可以為  
比養兵之費一出于民而禦戎得寇民不知有金帛之  
事安石曾不深究而輕議更易司欲以三代之法行之  
于今蓋不思本末不相稱而利害  
異也世議不以為然後卒改焉  
廣南東路惠廣潮封康端南恩七州依西路保甲教習  
武藝先是提舉廣南東路常平等事林願言今天下之  
民家為之保保為長長為之正者豈特不容其姦而已  
蓋歸兵食于農事藏武士于耕夫所謂教而後使之道  
也故其法一總于兵部而畿內之人陛下又歲賜引見



旌其藝能以勸之其在五路則又使有司以時遣官分  
行按視法既久而令益信然則舉而加諸四方其勢宜  
無聽者今二廣之民亦有伍保之籍竊聞廣西沿邊稍  
拜習武藝東路雖聞有槍手然保甲之教常闕欲乞本  
路沿江海諸州依西路法訓閱使其人既熟山川之險  
易而又知夫弓矢金鼓之習則一方自足為備可以不  
勞北兵矣詔下廣南東路經畧轉運提舉鈐轄司相度  
皆言七州皆並邊及江海外接蠻賊可依西路保甲教  
習武藝于是從之 二十八日詔開封府界內上保甲  
依五路增給米月三斗四月十七日詔開封府諸縣自  
今先簡太保長大足方選家丁及以次人

以律符和縣  
農時進集保

甲二十餘人簡開  
人材故有是命

同日樞密院言提舉教馬軍所教

保甲已經開試補三班借職五人三班差人十六人披  
帶班殿侍四人下班殿侍九人賜銀絹六十人五人充  
王中正教太保長隨行餘分差赴巡檢縣尉下指教長  
上保 月三日詔五路轉運提舉官巡歷所至許按  
閱見教義勇保甲武藝有不如法開牒提點刑獄司施  
行以河北提點刑獄劉定言一司  
本不能偏開州縣保甲故也 十三日詔河北河

東陝西未置保甲以前義勇冬教所費錢糧令逐路轉  
運司依舊教管認 同日詔廣南梓慶利州路保甲令  
監司提舉官歲分州縣按閱從兵部請也 十五日詔  
河北河東陝西路各選文武官一員提舉義勇保甲武

臣提舉義勇保甲兼提點刑獄文臣提點刑獄兼提舉  
義勇保甲自今五路提點刑獄准此 二十四日京東

路轉運副使李察言保甲之法蓋將防檢姦盜緩急得

以呼集追捕本路排定累年既不教習復無點閱之法

進丁開戶簿籍不明寔成空文乞每歲農隙委提點刑

獄司選官分縣就鄉村對籍閱丁數其不同者正之詔

送司農寺 八月三日詔商號州保甲內大保長一例

集教其保甲隸兵部以提舉義勇保甲張山甫言商號

不教閱上番 同日提舉河東義勇保甲王宗拯黃廉

政有是詔 言集教義勇保甲絳晉澤潞威勝等軍五州三十二縣

置八場節級大保長總三千六百六人太原府忻代平

定汾隰石嵐憲苛嵐保德火山寧化等十三州軍三十  
七縣置九場節級大保長總三千七十人 二十一日  
永興軍等路提點刑獄兼提舉義勇保甲葉康直言近  
歲會比保伍寄諸軍政首于畿甸而推之五路修明教  
戰之法周旋曲折近古所未有然其兵隱于農則多寡  
異數其教視成則遼遠異期今河東以二年河北以三  
年陝西民兵較諸河北其數不相遠而獨以四年為限  
臣竊遲之欲乞陝西義勇節級保甲大保長止作三年  
教閱所貴速趣成效詔河北陝西路教閱毋過三年  
二十五日提舉永興秦鳳等路保甲張山甫奏本路二  
十八州軍義勇保甲三十一萬七千六百二十三人合

教節級大保長一萬二千六百六十四人置集教場三十三所欲乞併作三番計三年可畢從之

閏九月十

二日詔府界河北河東陝西提舉保甲官各給內降教

關格一本十一月六日詔知相州劉航降勅獎諭仍

賜銀絹

以保甲司言航到任半年修置教場至教閱不驚擾故也

十二月

二日瓊管體量安撫朱初平言四州軍兵備全少若招

誘生黎籍成保甲與黎人雜居分耕教習武藝足以枝

梧違寇從之

四年正月六日提舉永興等路義勇保

甲司言集教諸軍教頭并義勇保甲合用馬詔提舉陝

西買馬監牧司選馬均配之

九日詔開封府界保甲

朝廷專命官訓習武事加以肅清姦盜可差入內副都

知王中正兼都大提舉開封府界巡檢公事仍差澶州  
總管熙順同提舉及巡檢縣尉下長上番上保甲並罷  
諸縣尉惟主捕縣城及草市內賊盜鄉村並責巡檢主  
管復置京城四面巡檢二員其增減錢糧並送樞密都  
承旨司會校已而都承旨司言開封祥符縣各省尉一  
員弓手四十人存尉一員弓手二十人陳留等二十縣  
弓手亦如之都副保正主管教閱欲令依舊主管本保  
公事每保共募承幹七人每月給顧錢千五隸保正承  
受文字催稅租常等錢其大小保長舊法差使及催稅  
甲頭並罷當教閱者專令赴教凡省錢二十三萬六千  
七百緡有奇費錢八萬五千三百緡有奇從之

上批其  
錢物宜

付提舉保甲司專令文臣領之歲具帳上兵部具承幹  
人段為承帖人如犯都副保正保歐害本屬

二十二日判尚書兵部蒲宗孟言開封府界惟有保  
甲無義勇五路義勇保甲教習之法事體畧同給錢糧  
亦不相達今上番教既立一法五路不得獨異于府界  
欲乞五路義勇並排為保甲所貴民兵法出于一樞密  
院言熙河五路義勇保甲之法主戶第四等以上每三  
丁選一丁為義勇諸縣每百人為都五都為一指揮不  
及五都亦為一指揮不及百人附別都一縣級不及百  
人亦為一都每都有都頭副都頭十將將虞候承局押  
官各一人四都立副指揮使一人五都立正指揮使一  
人主戶兩丁選一丁為保甲以村疇五家相近者為一

小保有小保長五小保為一大保有大保長十大保為  
一都保保外別立副都保正各一人及二小保以上亦  
立大保長一人五大保以上亦立都保正一人不及者  
就近附別保隔絕不可附者二小保亦置大保長一人  
四保亦置保正一人詔五路義勇宜悉改為保甲爾後  
丁日增減並依見行保甲法河北河東第四等陝西第  
五等以上戶及五丁以上者取兩丁令兵部具畫一以  
聞其舊管人員節級即改為正長 二十八日提舉開  
封府界教閱保甲大保長所言管城縣民魏定訴兩目  
失明惟有弟存一丁祖母年八十一今存選在集教場  
閱教乞賜依條赦免本所按魏存選充保長冒學弓馬



請官中錢米不少武藝稍成今魏定乞放免詔本所問  
魏存如願且在場學習武藝即聽 四月六日上御延  
和殿觀閱試保甲 五月十二日詔保州守上皇墳園  
戶與免義勇保甲止令附保 七月六日提舉河北路  
義勇保甲兼提點刑獄狄詒言懷衛澶恩冀相沿邢瀛  
趙州并北京教場所教義勇節級保甲大保長等武藝  
先奏乞于八九月引見今至磁州教場按試已皆應法  
詔先引呈澶澤州集教場其餘州別聽指揮澶州八月  
中旬起發令狄詒劉定部領澤州九月上旬起發令王  
崇拯部領赴闕其義勇保甲自離場日人日給食錢百  
九月十九日帝御崇政殿召執政賜坐閱試澶州集

教大保長并押教使臣等四百八十三人畢三人補三班借職三十三人補三班差使借差餘賜銀絹錢有差東上閤門使榮州刺史狄諮遷四方館使朝散郎劉定遷集賢校理監教使臣等轉官或減磨勘 二十七日詔權發遣提點河東路刑獄兼提舉義勇保甲集賢校理黃廉轉一官以引見澤州保甲推恩也 十二月四日詔三路保甲每都保旗上並建州府縣名所載禽獸等物可依先降指揮次序圖識令提舉保甲司製造 十二日鄜延路經畧司言準朝旨簡未嘗出界人兵盡以與王中正其諸城堡守禦頗闕若有警急須發義勇保甲守城慮逐州縣役使放散歇泊臨時有誤勾集欲

乞令官司不得差顧召使違者以乏軍興論從之元  
豐五年正月十七日詔陝西集教場出等義勇保甲昨  
按閱官誤以馬步射弓相須拍試其一藝應格者不得  
解發可再檢視元試弓弩一事應格即解赴關二十  
一日詔河北路保甲司團結不及兩大保即分附鄰近  
團教其山河隔絕去教處遠或每及兩大保以上許別  
置一團教場如隔河曆亭縣人戶即附武城縣團教陝  
西河東準此二十二日詔三路集教大保長除教騎  
人兼習馬槍外其教步弓弩兼習步槍其團教保丁依  
元降指揮二分教騎兼習馬槍四分教弓四分教弩如  
不堪教弩者即依開封府界初教槍雖多不得過二分

二月一日詔陝西諸路應經出界死亡義勇保甲人夫係本戶正身者與免夏秋二稅兩料 十四日詔河北沿邊州軍保甲與兩輸戶連接者更不起教雖沿邊而無兩輸戶處不用此令 二十三日提舉河北路保甲司言兩路團教場當用錢六十萬緡乞支闕額禁軍及耆戶長等役錢詔提舉保甲司具折支使名件以聞 三月一日詔昨應募隨王中正出界開封府界大保長雖未嘗立功者各遷一資庶可鼓舞百姓使人人樂於公戰 十七日秦鳳等路提舉保甲司言本路義勇並改為保甲其間多有一名男夫五人以上成丁者若排兩丁或三丁充保丁即難拘以為五家為一小保欲

每五丁為一小保詔保甲以家聯保以丁聯兵小保長  
以上緣兵置令三路依詳施行如于舊法有礙條畫以  
聞 十九日詔諸路保甲封樁錢物非有朝旨而輒支  
用者論如支封樁錢法 四月三日樞密院副都承旨  
張誠一言近者發兵西往告之者數郡朝廷遣官裁削  
冗占僅始足用若三路則無慮皆隸將下近裏州有不  
隸者亦籍在沿邊分時番上故凡差使率用將兵遇調  
發時近裏逐州惟有義勇保甲與小分共守空壁隨州  
郡大小稍增舊額取諸路所減廂軍請給以佐其費十  
分人數以五分教弩及掛搭守城五分專治壁壘或值  
將兵俱出則量數差發以代其役惟不許出城從之

十六日詔漢弓箭手出戰義勇保甲在賊界因傷及病  
羸不能自還者並依軍例賜其家 二十七日賜河北  
提舉義勇保甲狄誥每年公使錢千緡專給犒設 丑  
月七日詔開封府界保甲三丁內一丁充太常樂工者  
充餘二丁 六月八日提舉河東路保甲司言準朝旨  
保甲以家聯保以丁聯兵小保長以上緣兵置令三路  
施行如有未便事理條畫以聞本司今相度以家聯保  
差免勑內保甲以二丁義勇以三丁八保單丁客戶並  
為附保今欲乞除官戶女口歸明人子孫刺事人河北  
沿邊弓手戶合依舊附保外其客戶單丁戶及免丁之  
人自合排入家保責以互相覺察以丁聯兵差免勑本

縣與都保別置簿遇有事故如外來及進丁限五日申  
舉開收分併今欲乞限五日申舉開收限一年分併其  
未分之間多者就近權附少者姑闕若地里相遠餘丁  
不可聯者從舊法小保長以上緣兵置家保之法無所  
與於兵政至其覺察欺詐襲逐姦盜亦其所當有事於  
保伍之間非有總率無緣齊一今欲應家保之內有大  
小保長既亦干豫本保內事並令就轄家保所貴上下  
有分緩急易使從之其分併限三年十一日詔廣南路  
保甲依戎瀘州例令自置裏頭無刃鎗竹鏢排木弓刀  
蒿箭等在保下閱習若遇捕盜器甲並從官給 七月  
二十一日詔開封府界團教場置簿記保甲事藝其紙

札并顧直未知從何出辦提舉司具析以聞先是緣教習保甲費皆從官給獨此無所從出上恐其擾故雖小亦令究治 八月二日河北轉運司言準朝旨令兵部以三路自置保甲候過年分實費錢糧索取一年數為額自今封樁年額充保甲支費契勘保甲冬教錢糧朝廷已不封樁今悉令本司承認慮久遠不能供億詔自元豐四年降指揮後封樁陝西河東準此 九月二十三日詔慈練義勇事並隸樞密院其餘民兵悉隸兵部 十月一日提舉河北路保甲司言見任巡檢多不曉教閱新法欲望許本路選差人代其十三場監教使臣候按閱罷權留本司遇有不得力巡檢補填訖奏從之



十一日河北路提舉保甲司言所統百七縣團教場五千五百止有幹當公事官二員乞更選差大使臣二員又言教罷第二番都教頭當發赴闕如蒙擢授三班使臣乞令本司指名抽差充本路巡檢從之 十八日詔自今義勇保甲及呈試武藝得班行者不許試換文資 十一月十四日就差按閱河北集教保甲樞密副都承旨張山甫幹當御樂院劉惟簡按閱本路團教保甲仗按閱賞格給賜弓箭手馬射第一等銀碗七兩絹五匹步射及弩手第一等銀碗五兩絹五匹第二第三等各第減三之一都副保正大保長并已補名目教本保人武藝及第一等都副保正計本都保及十分三班

差使九分三班借差八分大保正計一都保及十分三班借差九分下班殿侍八分並給銀稅十兩絹五匹不及十分第減有差 六年正月十九日河北提舉保甲司言都副保正多於教成大保長內選補係主教人員團教一都保人武藝方且責成又令管本都保公事應副州縣役使以至期會稽違必遭刑責不惟有妨主教恐非朝廷教養之意乞應合係本縣于本都保追呼公事止責承帖人計會追呼母令親身幹當及管解赴縣從之 二十四日詔自今禁軍馬軍保甲教閱隸樞密院 二十九日提舉河北保甲司言乞義子孫舍居塔隨母子孫接脚夫等見為保甲者候分居日比有親屬

給半詔立法 二月十一日詔河北保甲使臣等共五  
十六人保長五人借職十七人與差使減磨勘二年二  
十六人與差使授教指使四人遷一資減磨勘三年三  
人遷一資減磨勘二年兼差充諸縣新置團教場巡檢  
指使一人遷一資減磨勘三年 十五日詔提舉河北  
東路保甲司公遷州軍于今不教閱地以南二十里外  
方得置團教場若旁近北人小使所行路並移于五里  
外 二十一日提舉河東保甲司言太原府十三州軍  
九場集教保甲事藝及格詔差王淵梁從政按閱 三  
月四日詔開封府第三等以下見保甲戶去年以前逋  
負權住催一年從提舉教閱保甲劉瑄請也 十七日

提舉河北路保甲狄謨劉定監教使臣孟斌等所教武

藝及九分各選一官保甲司幹當公事李允齊狄璋孫

文各減磨勘三年指使張彥孫等各減二年

按開河北  
集教保甲

司上第二番  
集教切狀也

同日提舉開封府界保甲劉瑄言諸縣

保甲每起夫役不計家產厚薄但以丁口均差故下戶

常艱于力役伏望令有司立法諸縣調夫不計丁之多

少而計戶之上下不惟國家力役之政大均而所訓保

甲亦得安居就教詔開封府界諸監司與提舉司同相

度二十五日詔開封府界五路保甲輒投軍者杖八

十還充本色立告賞法餘丁投軍而應免保甲者準此

其五路保甲餘丁願充弓箭手者聽不在破丁之限

四月八日提舉陝西保甲司言河中府民姚用和齋慶  
應八年黃敕言姚栢雲十世同居孝行可法賜旌表門  
閭二稅免差徭乞與免保甲從之 二十二日永興軍  
等路安撫使言近者盜賊屢發其禁軍逐路拘抽二邊  
全闕正兵差使乞有盜賊許令所在官司量事勢追呼  
以集教大保長捕殺詔遇有強盜及十五人以上量數  
暫勾抽日支錢米候收獲即放還 六月二十四日同  
提舉開封府界教閱保甲劉瑄言開封府界及滑州諸  
縣保甲元養馬五千疋死損千九百餘疋已催價錢萬  
緡乞專委官往來買馬其未納錢亦可就令督趣應副  
詔專差呂公雅其買到馬送劉瑄從武藝高者先給之

閏六月二日都延路經畧司言弓箭手于近裏縣置  
田兩處立戶及四丁以上乞取一丁為保甲一丁為弓  
箭手有二丁至三丁即且令充弓箭手詔保甲願充弓  
箭手者聽其見充弓箭手與當役毋得退就保甲陝西  
河東準此 七月二十八日河東路提舉保甲客省副  
使王崇拯同提舉集賢校理黃廉幹當公事供備庫副  
使宋宣及監教使臣九人各遷一資集教保甲武藝及  
九分也 八月二十七日詔提舉保甲司三路比轉運  
司提舉視轉運使同提舉視副使同主管視判官 開  
封府界比提點司提舉視提點官同提舉視三路同主  
管官並為監司其人從舉官恩數等並依所視職任內

武臣教閱文臣推驅收支錢物各不得侵紊 同日提  
舉河東路保甲王崇拯乞自今差使民兵以武藝優劣  
高下立為力役之制遂司不得擅差撥詔樞密承旨司  
著為令其後承旨司言五路保甲非次欲差使乞開本  
司相度指揮訖奏仍須量人材所宜稱事差撥若擅差  
者徒二年從之 九月四日提舉河東保甲兼提點刑  
獄王崇拯等言第四等以下保丁之家如本戶災傷及  
五分以上即乞依常平條施行從之仍令河北陝西開  
封府界並依此 七日詔諸路經畧安撫轉運司要急  
差用保甲牒提舉司隨色應副戰守防托差武藝高強  
及第一等者役使差以次人 十二月五日詔開封府

界保甲餘丁投軍更不會問即斷罪放停已及一年者  
聽充軍父母願放停者勿限年三路準此 十三日詔  
諸路并畿內保甲率五六年按閱一周惟河東以金帛  
不費十一年乃遍晉人土性悍勇俗尚武事又介居二  
虜之間講勸武功不可緩反居諸路之後可下吳居厚  
于京東新法監錢內歲賜十五萬緡買紬絹送澤州助  
保甲司給賞自今年下半年為始 二十四日詔開封  
府界陳留縣置保甲都作院修二十二縣兵器 同日  
提舉保甲劉瑄言諸縣保甲戶有年已成丁尚為稚小  
以避役者欲乞本司官因巡按相視年貌收入餘丁詔  
巡按見教保甲有人材不任事許追餘丁相視年貌選



擇又言鄢陵縣巡檢戴恩先引見第一都保甲減磨勘  
三年今按閱八都保畢更減三年乞以五年轉一官餘  
一年候磨勘收使從之 同日詔開封府界團教保甲  
武藝各應格劉瑄除西上閤門副使 七年正月十二  
日提舉河北路保甲司言保甲逃亡免教乞給捕賞外  
更立藏隱之家追賞法所藏之家雖許相容隱亦不免  
賞錢詔三路知情庸顧藏隱逃亡保甲之家減保甲罪  
二等許人告均出賞錢兩犯捕獲應配者追其半餘以  
保甲司封樁錢支開封府界準此 十七日詔保甲犯  
罪情涉兇惡速具奏聽裁 二十一日詔近指揮將來  
朝廷按閱保甲令諸路提舉司擇藝成者先按閱提舉

司乃以意欲與賞及成就巡檢處編擇當按保分不時  
教習甚失朝廷勸作之意可令提舉司毋得預定合按  
閱保分 二月一日河北轉運司言保甲三百許人入  
澶州觀城二縣鎮劫民財物詔追赴澶州根勘呂公雅  
監之光體量作過因依以聞 八月詔京東京西路保  
甲免教閱每都保養馬五十匹每匹給價錢十千京東  
限十年京西十五年數足其當優卹量給芻粟等令轉  
運提舉司同議仍專置官提舉其京東京西路鄉村以  
物力養馬指揮不行 十三日詔州縣除依條不許干  
預教閱外其保甲有違犯及當撫諭壓彈巡教官指使  
違犯自當覺察施行若失于覺察保甲司按勘 十四

日樞密院言聞澶魏作過保甲多為首人唱率別無情

理官司已許首身欲降指揮首身保甲如唱率及拒捕

傷人並追鞠餘皆放罪令赴教從之是時伏誅劉定綱係甲暴橫州縣不

得可問澶魏保甲口盡判畧驚動一路而朝十六日

上不聞其寔自此河北盜賊公行多係甲也

上批集賢校理劉定言澶魏保甲初無兇惡跡狀乃是

素懷不忠異議之人張大扇搖破壞保甲成法以至上

達朝廷為之動心差官求治其事駭聞四方可卜劉定

具析從初張皇官司以聞無得避忌不盡仍下李宜之

王子淵見鞠保甲事限十日結絕杖以下勿禁三月

十四日詔京東西兩路保甲領于提舉司近已專置官

提舉都保內所養馬則保民相干理難兩屬今提舉京

東路保馬霍翔管勾京西路保馬呂公雅並兼保甲  
四月三日詔開封府界三路提舉教閱保甲官并本司  
幹當公事指使每再遣官教閱通比三等武藝及五分  
與減磨勘三年六分減四年七分遷一官以上每加一  
分更減一年至十分取旨如止及三分展磨勘二年二  
分展三年一分以下降一官 五月四日詔三路保甲  
借民私馬習藝者聽依舊 二十一日河東路提舉常  
平司言提舉河東保甲司乞借粮于停積之家貸關食  
保甲常平司以常格止絕若貸非保甲戶即為侵越已  
奉詔聽本司施行勘會保甲司勸誘多勒令出辦教事  
錢粮乃其本職賑濟常關本司豈非侵越詔提舉保甲

放罪提舉常平司撥銀二十萬碩約保甲隨處封樁保  
甲司有災傷奏聽朝旨賑濟河北陝西準此河北等路  
各十五萬碩永興等路各二十萬碩秦鳳等路各十萬  
碩同日提舉河東保甲司言乞輪家保甲戶逐村巡  
宿從之二十三日提舉京東保甲馬霍翔言民有物  
力在鄉村而居城郭謂之遙佃戶欲依鄉村保甲養保  
馬均出助價及車丁女戶車戶見與保甲同等第人自  
第三等以上推排主養官戶守官在外及第四等以下  
女戶車丁止出助錢寺觀有物力依附戶從之六月  
一日詔五路提舉保甲司已撥常平糧準備賑濟令相  
度保甲戶遇災傷不及五分當如何等第賑濟具以聞

後提舉河東路保甲王崇拯言賑濟災傷保丁四等以下本戶災傷及五分以上即依常平司七分以上法從之河北陝西開封府界準此 同日詔河東路銷廢五指揮禁軍錢糧即非一路兵額偶有闕數衣糧之比並封播以給提舉保甲司起教之費 二十七日詔府界保甲司市按賞錢毋得抑配 七月二日詔徐彥孚提舉荆湖北路常平等事以彥孚知衛州黎陽縣嘗言保甲逃亡恐積以歲月寢虧本數乞立責正長法下開封府界三路保甲司相度以聞故有是命 十日知太原府呂惠卿言麟府豐州守禦人關乙牒提舉保甲司發保甲乞令提舉司官撫諭并立調發約束之法從之

二十三日知延州劉昌祚言昨集教保甲弓馬並不  
精當但令守禦已用土兵換赴將下團結成隊遇敵時  
使如有功乞優賜推恩從之 八月十八日詔河東陝  
西發保甲給路費出州界二百里以上保正三千副保  
正二千保長一千小保長保丁七百不滿二百里及沿  
邊不出本州界二百里以上保正二千副保正千五百  
保長七百小保長保丁五百 九月十三日詔提舉河  
北永興秦鳳等路保甲司官各兩員自今奏請文字並  
照書機速字不用此法 十一月二十一日京東路都  
轉運使吳居厚乞歲以鹽息買絹十三萬送河東保  
甲司河東保甲司從之 二十五日廣南西路經畧司

乞依溫果奏召募邊州居民子弟有勇力武藝者結保  
甲習戰遇捕賊官給甲仗請受下尚書省施行 十二

月二十七日詔保甲願賣所賞銀盃入官者聽保甲  
司開封府界河東路于禁軍闕額錢內借支河北路于  
常平倉司借支各七萬緡 八年四月二十二日

即舊宗位

未改

樞密院言府界三路保甲兩丁之家見教人小弱

或久病及除當教人外家止有病丁并第五等以下田  
不及二十畝者聽自陳提舉審驗與放免從之 六月

四日詔罷府界三路保甲不許投軍及充弓箭手指揮

七月六日詔府界三路保甲自來年正月以後並罷  
團教仍依義勇舊法每歲農隙赴縣教閱一月其差官



置場排備軍器教閱法式番次按賞費用令樞密院三  
省同立法後詔五都保以上並分四番自十月起教至  
正月罷零保即先從多教周而復始其提舉錢糧官司  
並罷令教閱司兼領其後門下侍郎司馬光言先帝以  
同種之志故置保甲令開封府界及河北陝西河東三  
路皆五日一教閱京東西兩路府界及河北陝西河東三  
官專護本局不願他司有司各務張望以希功賞其提  
官無百姓不得意擅行檢括其保正保長競為檢擾  
食或自為初掠或侵陵鄉里其本家耕種耘耨率皆妨  
廢供送不辦率歛無窮產耗竭無以耕種耘耨率皆妨  
四方壯者亡為盜賊并之數年先帝寢知其弊申教州  
縣令保甲應有違犯并巡教官指使違法事件并許州  
縣覺密施行及陛下踐祚聽政首令東西兩路保甲養  
馬並依元降年限收買其剩過數目並充以次年之數  
開封府界三路團教已及半年經朝廷按閱者每月併  
教兩日未經教閱者併教三日又令見教人身材弱小

或久來疾病及本家止有一丁病患不堪營作并第五  
等以下地土不及二十畝者一並分州縣保明提舉司審  
放免入令一職減五六然保免過二分皆聖澤寬民力保  
甲勞費雖十減五六然保免過二分皆聖澤寬民力保  
尚猶如舊其地教指使保正保長馬向去點擇實補填  
甲恐不充須有巡檢使保正保長馬向去點擇實補填  
妨農臣愚以爲此保甲若使之四時教閱日或在于數  
揮巡檢縣尉及方手兵甲級若人數並令捕盜賊則未  
前此數便置其保甲更不令管捕盜賊則未  
望此皆賦歛白徒教閱雖不令管捕盜賊則未  
守風奔濟登極詔書教閱雖不令管捕盜賊則未  
五路農民不堪愁苦幸賴社稷之重適值康定年豐德  
派民甚多盜賊充斥若遇如明道年之蝗康定年之旱  
至和年之水則爲國家大患豈可盡言近者羣盜王仲  
乘保馬諸處行劫益深馬本欲巡檢張宗師以下陵上  
鹿縣保甲所射毆陽提幹孫文巡檢張宗師以下陵上  
是亂之源漸不可長凡保甲巡檢張宗師以下陵上  
人莫不知之臣不知朝廷何憚而久不察罷伏乞斷自  
聖志盡罷諸處保甲朝正保何長使歸農依舊置耆長壯  
丁巡捕盜賊戶長催兩稅賦其坊監諸軍召提舉運朝  
集寺量給價錢分配兩稅賦其坊監諸軍召提舉運朝

其勾當公事巡檢指使並送更部與合人差遣若此  
封府界及五路之民執不教呼鼓舞即已令逐戶保  
甲中武藝已成之方可入役依公違方簡手法許本  
數每五戶置一丁稅或聽者親戚田務在優人  
戶田二項與本戶二稅不足聽者親戚田務在優人  
下諸般科役本戶二稅不足聽者親戚田務在優人  
勸募然後召募本縣鄉戶有勇力武藝者必當藝者  
行計即今保甲中者即委本縣令佐陳武藝者必當  
額有二人以上者即委本縣令佐陳武藝者必當  
若充若見充者即委本縣令佐陳武藝者必當  
較若勝一于舊者即委本縣令佐陳武藝者必當  
常精熟一縣之中其勇壯者既充則不須教閱武藝  
為盜亦無能為患仍委本州及縣人役名額更切  
佐有取捨不為意仍委本州及縣人役名額更切  
若海召募不足即量于鄉戶今上依舊額人役名額  
者即令充替若分地巡捕盜賊每獲更互在縣祇  
年一替其餘各分地巡捕盜賊每獲更互在縣祇  
止及窩藏去處更不分行科責及令出賞錢與獲賊  
之人其賊發地捕盜之人不復掩蔽住止寓藏之給  
此則賊發之處捕盜之人不復掩蔽住止寓藏之給  
盜人不肯庇匿盜賊無所容身自月六日指揮  
奏確等執奏不行詔依樞密院令月六日指揮  
十

八日樞密院言府界三路團結保甲雖不當赴教日從  
往于鎮市村疃以習學字藝為名聚集飲酒不務生業  
詔提舉保甲司閔傑轄下不赴教司令務農作遇閑暇  
許于本家閑習事藝違者重坐之 二十三日詔遣官  
分按逐路團結保甲 八月二十六日詔逐路保甲罷  
教騎其借戶馬及私馬並歸主管馬以配諸軍 十月  
二十八日詔罷府界三路提舉保甲官諸路以提點刑  
獄兼領其保甲止冬教三月 十一月十六日詔罷監  
教保甲官置勾當公事及指使一員 十二月六日詔  
府界三路保甲第五等兩丁之家免冬教 哲宗元祐  
元年正月十四日詔罷商虢州保州冬教 二月二日

樞密院言府界五路保甲已罷團教應保甲赴教日止  
用民間衣裝不得勒令別造從之 八日殿前都指揮  
使武信軍節度使燕達言試驗太原府曲陽縣大保長  
劉用事藝應法詔與三班差使賜衣帶令歸吏部 十  
四日詔河北路解發到保甲內尚榮孟隆李資與三班  
差使減二年磨勘孔震與三班借差並賜袍帶令歸吏  
部以武應武藝 同日兵部言府界提舉提舉保甲司  
申準朝旨保甲更不教騎諸縣見催人戶買馬填官者  
乞並令依元價送納價錢本司封播從之仍以元價十  
分為率若養及一年以上倒死者與免價錢二分每及  
一年遞減二分至五年者依條蠲免 十五日詔府界

三路提舉保甲官并官屬罷謁禁 閏二月二十四日  
詔河北東西路永興秦鳳等路提舉刑獄兼提舉保甲  
司並依提刑司例各為一司 四月六日詔開封府界  
三路保甲已罷團教免按閱只令隨逐次拍試事藝  
二十二日按閱河北團教保甲所保明到提舉保甲官  
等合該酬獎內秋諮劉定孫文張彥孫各擬轉一官更  
減磨勘二年李允齊等轉官減磨勘有差樞密院言近  
吏部擬到提舉府界保甲司官酬獎並已減半推恩今  
來秋諮劉定為措置乖方屢致保甲作過及擅于園場  
種時致保甲陪擾錢物孫文為不受理指使受贓及妄  
打保正等罪已各責降及秋諮劉定孫文更不推恩餘

依吏部所定酬獎 同日提舉河東路保甲司言欲乞  
應坊郭市鎮市義勇及妻係義勇之家改排充保甲  
詔三路坊鎮等處人民及有元保充不教閱保甲其元  
係義勇教閱人不改正依不教閱保甲法施行 七月  
二十八日詔府界三路保甲遇本戶災傷及七分以上  
並免放當年冬教訖奏 八月十二日詔陝西路保甲  
冬教並自十一月一日起至次年正月終罷 十八日  
詔河北路保甲見欠弓箭錢如係第四等以下戶委經  
災傷檢放今年秋稅並權住候來年夏熟日拘催 同  
日詔三路轄下縣分如災傷約及五分其保甲權免今  
年冬教 十一月十七日利州路提刑司言文龍二州

保甲其間有充役之人欲乞並依府界三路指揮權免冬教從之 二十六日詔府界三路保甲人戶五等以下土地不及二十畝者雖三丁以上並免放以殿中侍御史呂陶請也 十二月六日左諫議大夫解于侁言開封府界保甲撥班行人不少官戶既多縣道差役頗難聞祥符縣內一鄉止有一戶可差伏以武舉試策及弓馬入等方得近下班行今來保甲人事藝入等終獲恩便與公卿大夫一等為官戶免役頗為僥倖臣欲乞保甲撥班行人依進納官例候改轉陞朝官方免戶下色役庶令縣道差役得行其三路保甲亦乞依此從之 二年正月十二日左諫議大夫鮮于侁言熙寧中以



或瀘夷漢主客戶通為義勇保甲歲以農隙教習武藝  
歐後夷人不免作過兩稅地遂或廢耕墾請罷之會知  
鄭州岑象求亦為言詔本路轉運鈐轄司詳度以聞

二月四日知邢州鞏彥輔言施熙戎瀘州南平軍極邊  
之地保甲多居山谷請每歲農隙令縣尉親詣其居如  
監司按閱終一月而畢毋復賞監司三歲一閱如舊法  
從之 五月二十八日詔河北陝司路提刑兼提舉保  
甲並依提刑司分路 六月二十八日詔三路保甲司  
冬教賞物據本路舊義勇保甲合支各教錢糧各依減  
定數令轉運司每年分四季撥與保甲充賞 八月十  
二日樞密院言河東河北陝西保甲不一請並以五家

為保丁雖多止作一保其正長各隨家保置從之  
三年六月八日詔保甲補借差以上者初該磨勘有本轄  
官二員同時奏舉陞陟聽如常法磨勘即無舉主或不  
足或犯賊若私罪徒即展二年應別格合展者並累展  
其元豐元年以後補授人雖磨勘改轉內歷一任元無  
舉主或不足者將來磨勘亦如之 九月四日樞密院  
言府界累年災傷又夏田不熟雖今方秋成民力未裕  
乞詔開封界保甲特免今年秋冬教從之 二十一日  
詔永興軍耀同解華陵州河中府今年秋災傷保甲不  
以分数並權免冬教內本戶不係災傷者亦放免  
其後五年

十月又以此  
秋陽權免

四年五月二十五日尚書省言保甲出身

補借差以上初該磨勘已降指揮用舉主或無即展二年磨勘如已曾經磨勘改轉準此其補授殿侍或軍大將之類即未有該說詔候至借差以上該磨勘日並依借差初該法 七月八日詔陝西河北河東路與免逐年封樁保甲冬教賞物自今令轉運司應副仍于教前排辦足備如違保甲司以聞 五年九月十一日戶部言諸保甲因娶宗室女并內命婦授官者並不免本戶科配從之 六年二月十三日樞密院上冬教保甲教詔行之 閏八月十七日詔三路保甲今後冬教五都保以下不及千人縣分作一月及千人或六都保以上分作兩月及一千五百人或十都保以上分作三月仍

須弓弩教場屋舍足備如有不備即依舊條

先是逐路提刑兼提

舉保甲司相度以併月  
聚教為便故有是詔

七年三月二十一日詔應保

甲

甲除指定合差者許從經畧安撫轉運司一面抽差訖  
報提舉保甲司其非次差使並闕本司相度奏聽朝旨  
如事體緊急待報不及者遣訖保明開奏仍須量人材  
所宜稱事差撥務要均當 八月秦鳳路經畧司言秦  
州達隆保安遠寨守禦人足用請罷鳳州梁泉縣差米  
保甲從之 紹聖元年五月二十七日樞密院言戶部  
看詳役法所申諸路復免役法未審保甲合與不合依  
舊行免役法詔並依熙寧舊敕施行 二年七月八日  
上問義勇保甲數宰臣章惇對曰義勇自祖宗已來舊

法治平中韓琦請遣使詣陝西再括丁數添利熙寧中  
先帝始行保甲法三路府得七十餘萬丁設官教閱始  
于府界衆議沸騰教閱既成更勝正兵元豐中始遣使  
徧教三路先帝留神按閱藝精者厚賞或擢以差使軍  
將名目而一時賞賚率取者封樞耆長或禁軍閥額未  
嘗費戶部一錢元祐弛廢深可惜也中書侍郎李清臣  
曰元豐保甲脩對具詳上問脩對何書何人修纂惇曰  
宰相吳充奏請命檢正官畢仲衍修纂今藏在中書上  
白可錄一本進 十二月二十四日詔保甲補授人用  
舉主及展磨勘年條勿行 三年二月一日樞密院言  
三路保甲元祐以來冬教文具而已又無激勸之賞大

抵保甲及義勇法皆弛壞謂宜按義勇舊法番次赴州  
校試以射親挽強次第賞之從之 八月十九日樞密  
院言河北東西路按閱保甲額外王教人員如與額內  
正長同教得本保人事藝分數該賞並依格推賞其額  
外都副保正比附大保長與本內保人以等第高下  
同選補從之 四年二月十一日鄜延路經畧使呂忠  
卿言近奏乞將永興軍路近裏保甲作兩番勾抽分與  
延安府及軍城保寨合守禦城壁工役各支糧餉工直  
得旨難議勾抽按本路保甲萬有四千餘人去年春秋  
西賊點集兩次赴本府及諸軍城寨守禦甚勞如朝廷  
以遠處不欲勾抽即乞就近于河中府同華州勾抽應

副從之仍許勾第四等已上人應役工役不得過一月  
五月二日知福州溫益言京東姦民多匿深山窮谷  
之間時出為盜請應重法地分山谷僻遠處獨居無常  
產者並遣居近裏鄉村團結成保從之元符三年四  
月二十七日徽宗已卯樞密院奏陝西河東路流冗未  
肯歸業乞免今年保甲冬教一次從之徽宗崇寧五  
年二月三日詔詔河北東西河東永興秦鳳路各置武  
臣提舉保甲兼提點刑獄罷提舉保甲文臣政和三  
年五月十八日樞密院言今年四月十八日指指下京  
東東西京西南北路今將主客戶點擇主戶重行編排  
團成教閱保甲今來京東西路任諒于兩月之內首先

點擇了當團成教團保甲一十五萬顯是措置有方並  
無搔擾詔諒轉一官仍除直秘閣八月二十六日樞  
密院奏京東西四路教團保甲東路七百五十七都保  
十九萬三百餘人西路五百七十九都保十五萬七百  
餘人南路四百七十一都保十二萬三千二百餘人北  
路五百六十二都保十四萬九千三百餘人詔提舉官  
轉一官九月九日樞密院言保甲令諸主戶兩丁以  
上選一丁又條客戶並令附保詔應稱主戶處並改為  
稅戶四年十一月十五日真定府路安撫使洪中孚  
奏按教保甲鄉共弓弩手神臂弓射親至壕寨分隊六  
軍互變槍刀標牌與夫騎射一皆如法詔提舉保甲官



轉官有差 五年十月十三日詔應保甲聚教月分知縣非應副軍期雖不拘常制並不得差出違者以違制論 同日詔大名府館陶夏津冀州棗強武邑衡水南宮六縣今後並令本路保甲司依條踏逐試驗奏差武臣充縣尉應教保甲州縣分無巡檢係差文臣縣尉處並依此 十二月十九日詔河間路諸縣見教保甲本路帥臣按試陣隊並依得元豐陣法式分行布隊坐作進退人各次第其提舉本路保甲官可依京東西路檢會推賞 六年八月十二日陝西宣撫使童貫奏廊延路自去年五月夏賊犯順保甲家丁守城般運軍儲已足勞費若再行方田深慮民力困乏欲係曾應副軍儲

去處權住方量從之

宣和元年六月二十一日詔提

舉保甲官督察州縣都保有不如條令者並限一月改正如奉行違戾不依法差使並以違詔論保內有犯及匪盜三日皆須究治依法科罪即匪強盜十人以上及十日加二等本縣當職官不覺察以違制論知通監司不按劾與同罪並仰廉訪使者以聞當議重行黜陟廉訪使者不得直許監司互察當議遠竄二年六月十四日詔諸路保甲法並遵元豐舊制京東京西路並罷十七日詔諸路保甲法並遵依元豐舊制止為罷京東京西四路保甲即不衝改京畿三路見行教閱條法令申明行下三年閏五月二十九日成都府路提點

刑獄公事高景山奏准朝旨於諸路提點刑獄或提舉  
常平官內每季選委一員令專一督責逐縣令佐將保  
甲簿內人丁逐一開收取見詣寔契勘諸縣保甲簿係  
總閭縣人丁開收及進丁入老事所繫利害非輕欲依  
產業簿法諸縣置櫃封鎖每季依條批鑿開收從之  
七年五月九日詔比降指揮京東河北路州縣保甲併  
免三次聚教將事藝出等者比拍解發一次慮其中有  
不願解發之人一例勾集有妨農作却致搔擾仰提舉  
保甲將事藝出等願比拍解發人方許勾集依條批拍  
解發欽宗靖康元年三月二十八日以尚書戶部侍郎  
鄧綬蓋為龍圖學士陝西五路制置使專一督置京兆

府保甲 五月十八日河北河東路宣撫司言河北諸  
州正兵闕少乞以禁軍例物于陝西募游手惰民充義  
勇五路各四千人可趨防秋從之仍令尚書省撥降銀  
絹 高宗建炎元年五月一日赦應去歲差人防秋至  
今春未能放散顯妨農務應緣今來差科保甲除逃亡  
人外特與免一料支移折變 二年五月十一日曲赦  
河北陝西路保甲累年應副軍期使喚可特與權免今  
年聚教一次 同日曲赦河北陝西京東路應逐路諸  
州軍府見差赴行在民兵保甲及効用人戶今年二稅  
並與免支移仍免諸色科配 三年三月十七日詔諸  
路民兵火甲之令重立勸沮誅賞之法委逐州守臣措

置即不得因緣播擾仍委提刑司專切點檢

以緝盜功大即

係之利諸州往往行之恐未得策若所至州軍推而新

一級人依軍功八資轉行既有所至州軍推而新

授平江府司理參軍薛保言為郡守者老能保一州為

邑長者必能保一縣莫如嚴保伍授器械教之鄉射使

耳目惟金鼓旗幟之為玩則郡邑編民悉皆被整執銳

為敢戰之死士盜賊何所嬰其鋒哉望中嚴諸各故有

是 紹興六年三月一日權發遣金州兼金均房三州

管內安撫使榮斌言契勘金均房州保甲緣其名翫習

歲久前鎮撫司稱呼作保勝今來保勝稱呼又復日久

兼敵境待為民夫恐不足以威遠權行措置將三州逐

縣保勝結成陣隊分為五軍乞名為保勝軍以壯軍勢

從之 三十二年閏二月十九日戶部言臨安府昨未

車駕巡幸視師得旨權行團結保甲巡察盜候平息

日放免今來車駕回鑾欲下臨安府且令依舊從之

孝宗隆興元年六月十日詔沿海州軍專委巡尉將管

下諸鄉人戶從本都保正副重別編排住處比隣每五

家給為一甲內選一名為甲頭五甲結為一保內選一

名為保長五保結為一隊內選物力高并人丁強壯之

家一名為隊首置籍統率彈壓各從便置弓箭槍刀之

類如保正副受財編排不當許人戶越訴依條斷罪如

遇盜賊竊發令隊首鳴鼓集眾併力擒捕內有托故不

伏入隊之人許令隊首申官勾追從杖一百斷遣若能

擒捕依格法給賞以臣奏言沿海之盜蓋是沿海之人

實為伍結為保甲連二年十月二十八日權發遣臨

安府黃仁榮言本府團結保甲昨得旨放免緣今年係大禮年分除在城別行措置外所有城南北廂街巷地分廣濶無以姦察姦盜望于本府城外權行團結保甲庶幾可以巡警從之十一月十日臨安府言本府城內居民繁盛欲權依舊例將在城居民結保十家為一小甲一百家為一大保置大甲頭一名週而復始每夜輪一小甲巡視甲內人戶遇有犯夜過往之人詢問來厯上連下接傳送所居地頭交管仍乞不以官私房錢將甲內輪當夜巡之家與免房錢一日不得過一百克油火費用杜絕姦盜從之二十六日臣僚言欲行下淦江州軍每縣發保甲一千人分布諸渡口官給錢

米每日各人來三勝錢一百文仍每渡擇土豪統之各  
出其家資時時犒賞以激敢戰之氣候事平日與補土  
豪承信即詔委逐路監司郡守日下措畫 乾道元年

十二月十四日詔荆湖北路州縣所團保伍軍器權行

依舊存留免行納官使其彈壓盜賊各保鄉閭

荆言本路係產茶去處常有興販私茶厚家利數物稅  
人遂團結保極置置糖力近准指作今人戶盡數納官

如有藏匿許人陳告依條斷罪諸路依此緣本  
路更有上件利害仍乞依條存留此有是命 六年

二月三日措置兩淮官田許子中奏云除濠廬和州無

為軍所有民社自寂寞之後不曾團結乞依河北路作

保甲稱呼仍依陝西弓箭手興洋義士法量與減丁賦

令諸路守令再行團結上曰極好 七年正月十七日



四川宣撫使言笑言關外成西和鳳州所管忠勇軍元係保甲改置並依十資格法轉補各自脩養馬器甲修置營寨成立將分差官訓練教閱團結隊伍保與見屯御前軍馬一般出入經戰屢曾立功其間有已補官資之人偶因疾病揀汰元未有指揮許依諸軍揀汰人參部注授乞將曾因經戰得功補轉大小使臣校副尉下班祇應遇有疾病揀汰之人並許依諸軍離軍人前後條法指揮體例分送四川轉運司參部注授合人差遣上曰雖是保甲實曾立功即與官平事體一同可依奏施行 八年十月十二日淮南轉運判官馮忠嘉言教閱本路保甲民兵合行事件一逐縣差訓練官一員人

數及二十人以上差兩員于諸軍揀汰准備使喚使臣  
內差每一員添支食錢八貫文于逐州公使軍支給一  
保甲總首月給食錢五貫文都教頭撥發官四貫文押  
擁隊管事人月支食錢三貫文隊身人月支食錢一貫  
文米計口並二勝半月支錢米食錢照月分起支放散  
日住支一有馬額充馬軍之人馬支五分草料免充身  
內諸役使喚有知州知縣及訓練官私役保甲依私家  
募軍法科罪一取下依准東選取民兵三丁四丁之家  
取一丁五丁六丁之家取二丁七丁八丁之家取三丁  
一教閱至歲終欲乞令逐州事藝最高強人保明解發  
拍本司拍試具申樞密院抽摘覆試推恩一本路二漕

一置司真州一置司無為軍今來教閱保甲惟復兩司  
連街惟復依從來體例分領教閱欲乞明降指揮以憑  
遵奉詔依令馮忠嘉專一教閱淮西路保甲內訓練官  
添支食錢保甲總首等月給食錢隊身人月支錢米令  
諸州軍斟量支破仍自農隙日教閱三月分散

大興卷八  
千三百六

續會要 保甲

淳熙二年三月二日詔刑部檢坐條法指揮行下諸路  
帥憲司安州軍縣鎮及鄉村將結甲保伍之法常切遵  
守不得輒有追集騷擾止差官巡門結定務要盜賊屏  
息民得安居候結訖開具置冊繳申樞密院如窩藏姦  
盜甲內不相救應覺察一等科罪臣僚五月四日  
廬州言東南有焦湖水面闊遠港汊極多乞籍定出入  
船隻姓名結以牌號庶可稽察盜賊仍乞籍定湖內魚  
利錢四千五百貫內減三分之一名漁戶分佃承認仍  
令五家結為一保庶不至以取魚為名結黨作過從之  
八月二十五日詔諸路帥憲司結定保伍置辦救火

捕盜器仗州縣委知通令丞鎮寨鄉村委縣官點檢仍  
勸諭民戶從便習弓箭如射藝精強之人許自陳委守  
臣按拍優加旌賞 六年五月一日四川制置使胡元  
質言近降指揮諸路帥憲司貴州軍縣鎮鄉村結為保  
伍令置救火捕盜器仗川蜀州縣地狹人稠少有荒迥  
可以容隱盜賊去處止是穿窬易於擒捕舊存禁約民  
間不得私造軍器今若令自造非唯有駭觀聽又使平  
時所禁一旦盡弛非便乞依舊來結甲體例遇有盜賊  
止聲鼓遙相呼集救應收捕從之 十二年五月十五  
日詔自今保伍寔緣禦盜被傷或一時傷重致損者令  
戶刑部檢坐賞格如有該載未盡即仰比擬開具申樞

憲院 紹熙五年九月十四日明堂赦勘會保正副依  
條止掌烟火盜賊橋道等事訪聞官司勅用一切取辦  
如差葺材料差顧夫力至于勒令催科並是違法仰今  
後州縣遵守條令不得汎有科擾如違許充役之家越  
訴仍仰監司按劾聞奏 慶元二年十一月十八日湖  
南安撫司言漳州條畫措置保伍防閑盜賊合行事件  
委是經久可行乞下本路州軍遵守從之 一村墮保  
伍自有舊法緣縣道失于檢舉遂致廢弛湖湘鄉分濶  
遠間有盜賊竊發彼此不相救應今措置團長以便民  
情初無騷擾團長不久充則無武斷鄉曲之患官司不  
差使則無追呼之弊一諸縣管下鄉分五家結為一甲

家出一丁其丁多之家兩丁一甲之內推一名為甲頭  
五甲內輪一名為隊長于都內又推一名物力高者為  
團長同保正副統率其丁器仗等各隨所有遇盜賊有  
先覺處鳴擊柳鼓隊長即時率甲士或攔于前或截于  
後上連下接其賦自無逃避團長一年一替一今來結  
甲專委知縣縣尉告諭令保正副就鄉結甲具已推團  
長等姓名申縣即不得差公人騷擾縣尉許行點檢一  
年不得過二次非捕盜賊不許役使及追赴縣點集如  
違許人陳告定行按劾一甲內人如停著逃軍盜賊及  
自為劫掠者仰團長等執捉赴官斷罪給賞其窩停人  
照條拆屋行遣甲內容庇五家一例重斷一逃亡軍兵

及配隸之人散在鄉村住泊或經赦放回鄉仰本保抄錄姓名取索放傳公據等解官驗寔責保居住或無傳據押歸元來軍分施行一盜賊竊發去處甲內不覺察還漏先行遣團長近隊甲不即救助許先發覺處隊長具名申官施行一市鎮居民邸店多是作過之人藏泊仰團長等隨所在集逐甲內丁每季點檢一次于點檢之際將前項約束逐一申飭隊丁一都分內居民稀少不成隊伍去處各隨人家多少自結成一保從團長等管一所差團長本縣不得使之承受文引等事如違許團長經州陳訴將所犯官吏按治施行嘉定十五年九月十六日夔路提刑兼提舉虞剛簡言夔路在蜀素



號僻阻荒崖峭谷民生其間少知禮遜不惟封疆廣袤盜賊出沒難于擒捕加以愚民無知但營私利為之案案且一家被盜鄉隣不恤或不救之因根括之徒無異剝掠拘羅之故米為翔湧民生滋艱計無所出二三年來至敢操戈十百為羣白晝行劫焚屋殺人盜盡財物至為慘酷官司雖例責之巡尉立限追捕緣本路官吏少有正員多是權攝依應行遣乞覓錢物反更擾人致使平民亦如被盜臣誤司臬事適在巴山間俗之初閱視民訟多訴被刦或稱被殺私切凜思所以弭盜之計固無出保伍之法蓋使之比隣保愛出入守望使民相親相恤相友相助平居無乖爭之習緩急有援救之

義而又有以察姦不敢容姦此誠成周鄉井之制是萬  
世經久之利也是以熙寧盛時嘗申行保甲之法始自  
河北遍及天下所謂義勇保社保馬其制備詳不特為  
盜賊之防又深寓民兵之意歲久因循偶失修復今若  
略倣舊規嚴切措置則一路盜賊自今以始遂其可弭  
乞將本路郡縣城郭偏及鄉村市鎮以五家為甲五甲  
為一小保五小保為一大保使之遞相覺察五家之內  
有一家犯盜四家不即糾察皆當連坐仍各行粉壁書  
寫甲下姓名縣道鄉攢則各置甲簿書寫保甲細帳以  
圖其山川險易住坐去處稽考其寔以防團結漏落之  
弊則知保甲之成盜賊將無所容官司將有所恃欲望

聖慈特降睿旨行下本司依公團結不潰于成常加輯  
理堅而凝之庶幾成周鄉井之餘規祖宗已行之良法  
被之一路永庇生民從之

大典卷八  
十三百六

社建炎及廢罷事并後集民社名為忠義社所立高宗

建炎元年八月十日詔諸路州軍府巡社並以忠義巡

社為名仍專隸安撫使司北以路戶部尚書張慤議到河

強壯巡社可用因其情而用之其以忠義之名加以

年七月以人初勸募強民招集強壯金銀財物補授官

資指揮以人數補官資并將校強壯金銀財物並有功

之入即行激賞外再講究得籍丁壯分隊伍訓練習簡

器械嚴整年置兵選義勇其官軍保甲制下諸路

行之便可得忠義社百萬其官軍保甲制下諸路

忠義巡

手皆不預焉  
故有是詔

同日三省樞密院言今叅酌立定諸路

州軍府忠義巡社可行之法乞遍下諸路詔依仰諸路  
安撫使及鈐轄司提舉司各依今來措畫責州縣疾  
速推行仍令尚書戶部遍牒行下及令本部置籍舉摧  
每旬檢舉取會諸路已施行次第繳申樞密院一鄉村  
民戶除三路保甲并京畿諸路諸色役人并稚小老病  
外雖客戶但有家屬烟爨而願入巡社者亦聽即不得  
抑勒單丁貧弱之人仍逐社置籍縣置都簿內有能自  
置馬者於籍內開說別加優恤謂如免戶下籍內載其  
差使之類  
縣分鄉村戶頭姓名及充巡社正身姓名年甲並聽鄉  
村民戶自結集到人數即不許州縣抑勒其坊郭民戶

巡社並依鄉村巡社法施行並以忠義強壯為名仍各  
供申戶部左曹置籍一忠義強壯巡社令自相團結每  
一十人為一甲互相保識每一甲內推擇一名為甲長  
每五甲為一隊隊有馬者別為於本隊內推擇一名為隊  
長每四隊為一部於本部內推擇一名為部長每五部  
為一社於本社內推擇二人內上名為社長次名為副  
社長每五社為一都社於內推擇二人內上名為都社  
正次名為副都社正若及兩都社謂及一萬人以上者  
社內推擇首領為忠義強壯巡社都總轄副首領為副  
都總轄遇逐階有關依格目資次陞補有勞績無過犯  
之人應充甲長以上職名次人並免本家保甲身役其

逐階部轄人從初並令本社內互相推擇自來有信義  
及有材勇智畧兼物力高彊為鄉里衆所推服者充依  
靖康元年六月一日勅節文勸募到鄉民丁壯忠義社  
各使推擇為首領自相團結若及十人以上與借授保  
義郎八百人以上借授承節郎五百人以上借授承信  
郎今除依上條施行外若結集及一萬人以上者首領  
并副首領並與借授成忠郎各據勸募結集到人數令  
借授官資差充社長以上至都副總轄職次日後遷轉  
依資次條格若同力勸募結集到人數即從衆人推排  
依資次借授官資差補職次所有社長副社長部長及  
隊長甲長非時捕盜禦金賊有功合補官者更不拘年

限資次補授外自都總轄至甲長各三年一次遞遷內  
有過犯事理或情理重及有病者不在遞轉之限內自  
甲長遷至正副社長以上依元結集到人數借授官資  
充逐階職名至該後項條格解發者如以武藝解發即  
赴闕引見呈試合格赴吏部補正元借官資仍便注授  
監當隊將并許權入縣尉巡檢及新置縣尉諸縣指使  
差遣若轉至都總轄實歷二年合該解發者即直赴吏  
部補正元借官資依上條注差遣所有借官公據從本  
州統制官知通及兩職官驗實通簽給付仍申戶部左  
曹注籍一每十人結為一甲互相保識覺察姦細賊盜  
窩藏外來姦細賊盜等事如失覺察者減罪人罪三等



甲長隊長各減一等社長副社長又減一等社正副及都副總轄又減一等能自覺察捕獲者依條格推賞一鄉民集為巡社禦賊備戰理須教習武藝陣隊若驅率赴本州縣教場教習竊慮民戶勞費訪聞巡社嘗于莊并近便處割寨以聚丁壯以防寇盜可各從便輪番就寨教習

如寨地係官地即據地數權免賦租若係民田即以官地撥或給價錢其近江河

鄉村仍相度沿江河置寨教閱各分輪人準備應援本州縣并隣接鄉村州縣或把截津渡外當留一半人數防守村鄉莊井並務要土着人應援若知隣近鄉村或連接州縣緩急盜賊竊發巡捕官及兵將未到並許都總轄以下至部長隊長甲長即時呼集社人互相應援

隣近鄉村州縣或攔截掩殺盜賊申報不及者聽都副  
總轄或都副社正及社長臨時隨宜從便管押前去仍  
飛申所屬州縣其應援本州軍府及隣近州縣并把截  
津渡離家地遠者依保甲戌守巡防例日給錢一百文  
米三升其馬日給草料七分仍令逐州縣各將管內逐  
鄉村民戶合納義倉糧斛撥充前件支用如不足以應  
係官錢糧草料充一忠義巡社人各許置合用器械或  
甲冑之類並赴本縣置籍拘管應副本社使用一忠義  
彊壯巡社一階一級全歸伏事之義每遇點集禦金賊  
及應援本州軍府或隣近州縣鄉村及把截津渡但依  
公聚集之時若有違犯階級者杖一百殿者加一等傷

重加閹傷二等其違犯本屬官者徒一年害者徒二年  
毆者徒三年仍配千里傷者斬若情犯尤惡或事涉扇  
搖者勘罪聞奏即陵遲處斬若不因點集等有犯各加  
凡人一等若遇禦捍金賊或捉殺羣盜臨陣有犯並依  
軍法一巡社自都副總轄及社正長以下事本縣令縣  
尉及本州知通皆師帥之官也合以縣令為本縣忠義  
巡社統領官縣丞為同統官領知州為統制官通判為  
同統制官若知州係本路安撫使或都總管自依帥臣  
節制一路官軍民兵條法仍以一州一縣忠義巡社增  
耗功罪五法知通縣令及縣尉殿最歲終考較最優者  
各轉一官最劣者各降一官知通最優者轉一官更減

一年磨勘最劣者展三年磨勘仍以隣近有盜不犯而  
犯不能擾或能克獲者為優一帥守縣令各實任教化  
之責務化民忠勇和睦孝悌仍不廢農務令逐縣於鄉  
村衝要去處粉壁曉諭巡社在家之人並須依時農作  
若于家孝悌又勤于農作事顯著者從本鄉社保明申  
縣縣申州審實特與陞補本社內階級職名一忠義巡  
社官司并本轄官等若專擅拘抽私役差使者以違制  
論徒二年不以失減仍不以去官赦降原減如遇點集  
收捕盜賊及應援州軍府把截津渡并都保聚集之時  
本轄官并都副總管及社正等如有率斂取受社人財  
物罪輕者徒二年賊重者自從本法若許而未得並依

監臨主司因事受財物法加一等事若枉法者自依枉法斷罪不因事而率斂者杖一百一貫文徒二年不入已減三等應被率斂者不坐並許人告計贓依格支賞錢統轄人知而不告各減罪人罪五等坐之其州縣入吏及諸色公人百姓等如因點集敢起動社人乞覓錢物委州縣收捉贓輕者科徒二年剝配五百里外州軍本城贓重者禁勘具奏一忠義巡社犯放火強盜持仗劫盜並各加凡人一等如不因點集及教遇本州軍府及隣近鄉村縣分非次盜賊警急即委自逐縣令或縣尉畫時量盜賊多少呼集社人併力掩捕襲逐其社人若捉殺到賊人除依條即時支賞外功大者具功狀保

奏當量功力補授或遷轉官資名目若見賊不用心捉殺有走透及自為賊盜并窩藏蓋蔽盜賊至因事彰露本管都副總轄社正等不能覺察者殿降一年名次若能自設方畧率衆殺獲持仗強盜及殺人賊各據身分獲到人數除依條支給賞錢外若所獲人數多及獲到近上首領事狀明者量功更與轉資如無資可轉即量勞效別優加酬獎若赴官司陳告捉獲兇惡賊一名除支給賞錢外亦與等第遷轉如未有名目人即特與借補官資名目其告捉到殺人及持仗強盜每獲一名除支給賞錢外給與公憑更獲一名即依前項酬獎其殺獲金寇立軍功戰功之人即量功力優加酬賞功大者保奏

超授官資一巡社往往以辨認姦細為名劫奪居民或  
過往客旅公人官兵財物或殺人者其犯事人並行處  
斬許人告每名賞錢一百貫文如根究得情理詣實其  
賞錢並以官錢代支於犯事并干繫人名下均備還官  
一巡社都總轄副都總轄都社正副都社正社長並副  
社長各能統轄社衆及教習社內人武藝精熟并自結  
集成社後來自已不曾犯盜并糾察屏除得本城分內  
賊盜稀少及應援本州縣并把截津要及應援隣近州  
縣鄉村別無違悞每歲從本縣統領官按試武藝解發  
內都總轄及副都總轄各射得弓九斗弩三石都社正  
及副都社正各射得弓一石弩三石二斗社長及副社

長各射得弓一石一斗弩三石五斗本社保明申縣縣  
申州州審察按試得實各保明申按撫使司或鈐轄司  
內京畿即保明申提刑司覈較得實聞奏得旨解發赴  
闕引見呈試前件身分弓弩斗力赴吏部補正元借官  
資仍便注授監當及隊將并許權注授縣尉巡檢及新  
置縣尉諸縣指揮差遣仍依弓馬所子弟呈試武藝合  
格出身法都總轄以下至副社長每歲每管內諸縣所  
管以十分為率解發不得過五分若合格人數多者先  
取職名高者若職名同即取武藝斗力大者若斗力同  
即取精熟者解發內有武藝不合格之人都總轄實歷  
二年自己不曾犯盜并糾察屏除得本地分內賊盜稀



少及應援本州縣并犯截津渡要害及應援隣近州縣鄉村別無違戾者本州縣保明申安撫司或鈐轄司內京畿即保明申提刑司解發赴吏部補正元借官資仍更注授監當及隊將并許權注授縣尉巡檢及新置縣尉指使差遣仍依弓馬所子弟呈試武藝合格出身法遇都副總轄轉資出官以次遞遷若一職至兩名以上者即以次入為守關一巡社部長以下至衆社人每歲十月從本縣統領官按試武藝內部長隊長甲長弓箭一石二斗兼射親二中弩射三石八斗衆社人弓各射一石三斗兼射親三中弩四石內部長隊長甲長能部轄及教習社人武藝精熟并社人各不曾犯盜及徒以

上罪并不曾違犯階級並從本縣保明解發赴州本州  
再試合格聽解發赴安撫使司或鈐轄司內京畿諸縣  
即解赴提刑司覆較得實方許保奏候得旨解發每歲  
每州管內諸縣所管巡社共及三萬人以上許解發六  
人一萬人以上許解發五人一萬人以下許解發三人  
並依解發保甲赴闕引見呈試授官注授差遣若無人  
應格或應格者數少即聽闕 一逐社部長以上致都  
總轄行遣文字各從本州給木朱記行使 一每遇春  
天其社人並免身丁自養馬者並非次科差夫役丁數  
並免 一本社防護過往綱運使命轉送朝省文字及  
軍期急速文字保護無疎失違滯仰本州保明聞奏當

議特與推賞

一除本縣官充統領官本州軍府知通

充統制官仍隸本路安撫使司無安撫司處即隸鈐轄

司

京畿即隸提刑司

逐路提刑充提舉巡社官除遇禦殺金賊

并賊盜許會合點集外並不得非時追擾役使巡社人

其提刑司人吏公人軍人敢起動巡社乞覓錢物者並

依州縣人吏公人等斷罪條法 一諸縣奉行巡社措

置先次就緒不擾者許本州保明申帥司帥司審察詣

實保奏常議優與推恩其今來措置到巡社畫一若與

已降指揮文意相妨者並依今降指揮施行如有未盡

或于本處土俗人情未便者仰本縣條具申州本州審

實內京畿申提刑司相度如有利便可行事節先次施

行訖奏詔諸路安撫使及鈐轄司提刑司各依今來措置督責州縣疾速推行仍令尚書戶部遍牒行下及令本路置籍舉催每旬檢舉取會諸路已施行次第繳申樞密院 十月二十一日樞密院言諸路招集巡社內一項除本縣官充統領官本州軍府知通充統制官仍隸本路安撫司無安撫司處即隸鈐轄司京畿即隸提刑司外逐路提刑充提舉巡社官今來契勘逐路創置武臣提刑一員其舊保甲提刑并今提刑御內自合帶入提舉巡社字從之 十二月二十五日詔除京畿京東京西河北河東陝西路依元降指揮置巡社外後來增置路分並罷內有已就緒去處民情或以為便願存

留者仰本處申取朝廷指揮

以臣案訪聞近日州縣

農民失業公私紛擾殊年朝廷

統制統領官各以至誠惻隱之心推廣至意無令侵

害吾民仍令監司互察或有

二年四月六日詔京畿

道庚者重行點責故有是命

京東京西河北河東陝西依元降指揮置巡社外餘路

應權添置武臣提刑去處並于街內帶兼專一措置捉

殺盜賊公事仍除去舊街內提舉巡社四字內杭州溫

州巡社已就緒願存留指揮更不施行從臣寮請也

五月三日詔諸州巡社內人戶自置出戰鞍馬今後官

司不許差顧徭借從知亳州韓宗胃請也 三年七月

二十五日知除州向子仍言乞罷民兵復巡社緣朝廷

并監司等將巡社例差把隘動經歲月並無請給其民

兵則有減免科率而巡社亦無減色若有差出往往破家  
由此人不願募今來所集巡社係民自相糾率保守鄉  
井已曉諭不許差出州界及諸處勾押把隘以此願就  
者衆所屬三縣巡社比以前召募增及十倍委實利便  
欲望立法將募到巡社人不許差出州界及行下諸司  
照會所貴不壞良法從之 紹興三年五月十一日三  
省樞密院賞功房言迪功郎前無為軍廬江尉譚友本  
貫宣州太平縣待闕自備錢糧招集義社捍禦羣賊江  
東提刑司保明詣實詔譚友轉一官比類施行 十月  
九日樞密院言淮南州縣有團集到義社民兵每歲防  
秋自保鄉土及準備所屬州縣使喚竊慮本路監司帥

司報有呼集及差往別州縣不惟有妨本處緩急守禦兼恐差出失所詔劄下淮南州軍應管下防秋團結到義兵並從守臣使喚劄下監司帥司不得勾集及差出州界 四年四月九日詔洪州武寧縣義兵首領材武人余茂社長攝忠訓郎李真卿並與補守闕進義副尉其借補文帖令拘收繳申尚書省毀抹 五年五月三日知和州皇甫彥言團結到巡社雖合守臣使喚切慮緩急難以統率乞聽守臣節制從之 六年正月五日宰執進呈岳飛言太行山忠義保社梁興等百有餘人奪河徑渡欲自襄陽府至飛軍前上曰果如此則梁興當與優轉官資以勸來者朕固知謀者之言未可盡信

若此等人來歸方見敵情沈與求曰若虜誠衰則此等人皆相繼來歸何但梁興來歸者衆則敵情寡矣十年七月十六日尚書省言淮北見有土豪自備錢糧聚集忠義民兵創立山寨保守鄉土今來楊沂中已除淮北宣撫副使理合一就措置招諭詔遇有率衆前來願就使喚之人令楊沂中斟量功力高下先次出給照劄逐旋中朝廷取旨推恩十七年五月六日知福州沈調言福建諸縣有忠義社各隨鄉村人戶多寡團結推擇豪右衆所畏服者以為正副仍量置槍仗器甲之屬以故盜賊屏息民以為便今訪聞縣道不能安卹尉司因而追集騷擾及有科率置辦器甲之屬却致社戶不



六百

得安處甚失元置忠義社之意乞委遼州守臣常切覺  
察務要不擾如有違戾令帥憲司按劾以聞從之

大典卷  
八十三